


列女傳

彙編

鄭曉霞 林佳鬱 編

二

北京圖書館出版社



LIE NU ZHUAN HUI BIAN

列女傳彙編

鄭曉霞 林佳鬱 編


2



引て専らに

仇英實甫繪圖








皇甫謐母

晉皇甫謐叔母任氏養之爲子年二十不學遊蕩無度嘗得瓜菓輒進母母曰吾聞孝經云三牲之養猶不足爲孝汝今年二十目不存教心不入道無以慰我因歔歔流涕謐遂感激折節強學博究典籍百家言號玄晏先生其註疏至今行於世君子謂任氏養而能教詩云教誨尔子式穀似之此之謂也

汪 曰孝經以立身行道揚名後世爲孝之終故不失其身者始能事其親而徒養親之口體則亦孝子之疏節已爾孝之實寧在是乎任氏以斯責望於

子可謂知孝道矣士安得一食必以食母不謂非孝而孝有大於是者重感母言折節向學累辭徵辟杜門著述有聞於後以斯致孝良慰母心豈與孝經所稱異乎哉得嗣如謚爲之母者雖含笑入地可焉






衛敬瑜妻

晉王氏女灞陵王整之妹也年十六歸襄陽衛敬瑜敬
瑜溺水死父母舅姑欲嫁之誓而弗許截耳置盤中舅
姑惧乃止常有雙燕巢梁間一日雄燕爲鷺鳥所傷其
雌燕孤飛悲鳴徘徊至秋翔集王氏之臂如告別然王
氏以紅縷繫足曰新春覆來爲吾侶也明年果至因贈
以詩曰昔時無偶去今年還獨歸故人恩義重不忍更
雙飛自是秋歸春來凡六七年其年王氏病卒燕來周
章哀鳴家人語曰王氏死矣墳在南郭燕遂至墳所亦
死焉每風清月明人見王氏與燕同遊灞水之上雍州

刺史晉昌侯藻嘉其美節乃顯其門曰旌義衛婦之門
君子謂王氏奇節能感化飛禽大學云可以人而不如
鳥乎此之謂也

汪 曰睢鳩有夫婦之義一偶不改未覩乘居而
匹處者也物得一偏而人得其全故靈於物王氏守
節不二一念貞誠至感玄鳥與已同操與睢鳩同稱
事顧不奇矣哉飛鳥依人人自憐之相依相憐及爾
同死益顯王氏之貞而斯燕也抑可云鳥中之節義
者矣人獨無所感而守節義其心不如禽也





梁綠珠

晉石崇有美妾梁氏名綠珠孫秀求之弗得乃勸趙王倫誅崇崇見收謂綠珠曰我爲汝得罪綠珠泣曰當效死於君前遂自投於樓下死之君子謂綠珠能以妾婦守死執節論語云自古皆有死民無信不立此之謂也

汪 曰石崇見殺利爲之崇也色爲之招也古之制字者信有深意於利則置刀於其旁於色則置刀於其首欲人見字於利與色而知所戒也石崇曾不戒此耳以刀布爲斲身之斤以蛾眉爲伐身之斧遂使金谷名園廢爲丘莽錦絲步障旋產荆榛雖欲復

與王愷誇珍鬬寶執如意碎珊瑚庸可得乎自古紅
顏率嗟命薄綠珠之死吾無惜矣既爲崇妾復欲延
年必不得之數也



